


Vischnaunca da Medel/Lucmagn



**Lescha da scola
per la vischnaunca da Medel/Lucmagn**

I.	Disposiziuns generalas	3
Art. 1	Scalems da scola	3
Art. 2	Obligaziun dad ir a scola, liug da scola, frequentaziun gratuita	3
Art. 3	Uras da bloc	3
Art. 4	Structura dil di	3
Art. 5	Purschidas supplementaras	3
Art. 6	Purschida da pedagogia speciala	4
Art. 7	Giudicament, promoziun e midada dil scalem	4
Art. 8	Lungatg da scola	4
II.	Persunas d'instrucziun	4
Art. 9	Relaziun d'engaschament	4
III.	Direcziun da scola	4
Art. 10	Relaziun d'engaschament	4
IV.	Cussegl da scola	5
Art. 11	Organisaziun, protocols	5
Art. 12	Habilitad da decider	5
Art. 13	Obligaziuns e cumpetenzas	5
Art. 14	Presidi	6
V.	Via legala	7
Art. 15	Via legala	7
VI.	Disposiziun finala	7
Art. 16	Vigur	7

Per simplificar sedrezza la fuorma linguistica en quei formular alla schlatteina masculina vala denton era conform al senn per la schlatteina feminina.

I. Disposiziuns generalas

Art. 1 Scalems da scola

¹ La vischnaunca da Medel/Lucmagn meina ils suandonts scalems da scola:

- a) scalem da scoletta
- b) scalem primar
- c) scalem secundar I

La vischnaunca da Medel/Lucmagn procura per tuts scalems per in adattau liug da scolaziun. Pils scalems che vegnan instrui en vischnaunca, succeda l'instrucziun a Curaglia.

² La frequentaziun dalla scoletta ei obligatoria per affons da lungatg jester.

Art. 2 Obligaziun dad ir a scola, liug da scola, frequentaziun gratuita

L'obligaziun dad ir a scola sedrezza tenor il dretg cantunal e la frequentaziun ei gratuita.

Art. 3 Uras da bloc

La vischnaunca garantescha las uras da bloc prescettas dil cantun.

Art. 4 Structuras dil di

La vischnaunca porscha en cass da basegns structuras dil di supplementaras.

Art. 5 Purschidas supplementaras

¹ En cass da basegns sa la vischnaunca scaffir ulteriuras purschidas sco lavur sociala da scola ni purschidas da timeout.

² Sche necessari installeschan las instituziuns responsablas per la scola purschidas specialas per scolars cun talents extraordinaris.

Art. 6 Purschida da pedagogia speciala

La vischnaunca ei responsabla per ordinar e realisar mesiras da pedagogia speciala sil sector sempel (niederschwelliger Bereich).

Art. 7 Giudicament, promoziun e midada dil scalem

Il giudicament sco era la promoziun e la midada da scalem dils scolars vegnan fatgs tenor il dretg cantunal.

Art. 8 Lungatg da scola

Il lungatg da scola ei il romontsch sursilvan.

II. Persunas d'instrucziun

Art. 9 Relaziun d'engaschament

¹ Las persunas d'instrucziun ein employadas dalla vischnaunca.

² Igl engaschament succeda tenor dretg cantunal.

III. Direcziun da scola

Art. 10 Relaziun d'engaschament

¹ Il menader dil cerchel scolastic ei in employau dalla vischnaunca.

² Observond il dretg cantunal vegn la relaziun d'engaschament dil menader dil cerchel scolastic francada en in carnet da pensums.

IV. Cussegl da scola

Art. 11 Organisaziun, protocols

¹ Il cussegl da scola consista da treis commembers. El vegn menaus dil president dil cussegl da scola. El seconstituescha sesez.

² Il commember da suprastanza incumbensaus cul scolaesser ei ex officio commember dil cussegl da scola.

³ Il cussegl da scola delegescha ord siu miez ina persuna che representa la vischnaunca el cussegl da scola a Mustér.

⁴ Il cussegl da scola vegn convocaus dil president aschi savens sco las fatschentas pretendan ni sch'in commember pretenda quei.

⁵ Per regla pren il menader dil cerchel scolastic part allas sedutas dil cussegl da scola. Eis ei indicau sa il cussegl da scola envidar allas sesidas ulteriuras personas cun vusch consultativa.

⁶ Davart las sedutas sto vegnir menau in protocol.

Art. 12 Habilitad da decider

Il cussegl da scola ei habels da decider sche dus dils commembers ein presents. En cass da paritad da vuschs dat il president la decisiun da tagl.

Art. 13 Obligaziuns e cumpetenzas

¹ Il cussegl da scola meina e survigilescha la scola ed exequescha la legislaziun da scola cantunala e communal. El ademplescha tut las incumbensas sil sector dalla scola ch'ei buc adossai ad in'otra autoritad ni ad in'otra istanza entras relaschs cantunals ni comunals.

² El ha cunzun l'incumbensa da

- 1) decider davart l'anticipaziun respectivamein davart la suspensiun dall'entschatta da scola per ils scalems che vegnan instrui a Curaglia;
- 2) decider davart la cuntinuaziun digl onn da scola en ina classa inferiura, sch'in affon ei surdumandaus;
- 3) decider davart il sursigilir ina classa;
- 4) decider davart purschidas supplementaras per affons da lungatg jester;
- 5) ordinar ed abolir mesiras da pedagogia speciala sil sector sempel;

- 6) excluder in affon dalla scola durant il temps da scola obligatori;
- 7) decider davart la relaschada anticipada d'in affon sil pli baul suenter otg onns da scola obligatoris;
- 8) decider davart la frequentaziun d'ulteriurs onns da scola suenter il temps da scola obligatori;
- 9) excluder in affon dalla scola durant il temps da scola postobligatori;
- 10) decider davart la recepziun d'in affon d'in auter purtader da scola e fixar il daner da scola corrispundent;
- 11) decider davart il diember da lecziuns annual sebasond sin la situaziun actuala;
- 12) decider davart occurrenzas da scola specialas, dis da sport ed jamnas da project;
- 13) fixar las vacanzas – tenor lescha cantunala – en entelgientscha ed en coordinaziun culs cussegls da scola dalla regiun sco era declarar occurrenzas da scola specialas sco obligatorias durant ils suentermiezdis libers ni las sondas;
- 14) organisar ed approbar ils transports da scola;
- 15) relaschar in reglament davart absenzas e congedis;
- 16) relaschar in uorden disciplinar;
- 17) engaschar e relaschar las personas d'instrucziun, il menader dil cerchel scolastic ed ulteriur personal da scola en accordanza cun la suprastanza communal;
- 18) controllescha la frequentaziun davart la formaziun supplementara dallas personas d'instrucziun;
- 19) sancziunar cuntravenziuns enviers igl art. 68 dalla lescha da scola cantunala;
- 20) suttametter ina proposta pertuccont il preventiv e las finanzas da scola per mauns dalla suprastanza communal ed impunder ils mieds concedi;
- 21) relaschar ulteriurs reglaments ed uordens;

³ Decisiuns cun influenzas finanzialas ston succeder en accordanza cun la suprastanza communal.

Art. 14 Presidi

¹ Il president dil cussegl da scola representa il cussegl da scola anoviars, prepara las fatschentas dil cussegl da scola e procura per l'execuziun dils conclus decidi.

² En cass urgents che pertuccan il camp da cumpetenzas dil cussegl da scola pren el las mesiras necessarias. Tenor pusseivladad decida il cussegl da scola definitivamein en caussa a caschun da sia proxima sesida.

V. Via legala

Art. 15 Via legala

¹ Encunter disposiziuns ed encunter decisiuns dallas personas d'instrucziun e dil menader dil cerchel scolastic sa vegnir fatg recuors tier il cussegl da scola enteifer 10 dis.

² Encunter disposiziuns ed encunter decisiuns dil cussegl da scola che pertuccan fatgs da scola sa vegnir fatg recuors tier il departament d'educaziun, cultura e protecziun digl ambient enteifer 10 dis, num che la lescha cantunala da scola disponi enzatgei auter.

³ Encunter decisiuns d'assignaziun negativas ed encunter disposiziuns da buca promover respectivamein da promover sa vegnir fatg recuors tier igl uffeci per la scola populara e dil sport enteifer 10 dis. Igl uffeci sa preveder ina procedura speciala per giudicar il recuors.

VI. Disposiziun finala

Art. 16 Vigur

Quei uorden da scola entra en vigur suenter l'approbaziun dil departament d'educaziun, cultura e protecziun digl ambient igl 1. d'uost 2015.
Approbau dalla radunonza da vischnaunca, ils 7 da matg 2015.

Il president communal:

Il canzlist communal:

Peter Binz

Valentin Pally